

www.pismonosa.com



**Udruženje
klubova
uzgajivača
golubova
pismonoša**

**Bosne i
Hercegovine**



**Bosnian
Racing
Pigeon
Magazin**

**Bilten
1
2008**



www.pismonosa.com

BOSNIAN RACING PIGEON MAGAZINE 2008 - 1

BILTEN br. 1 2008

Udruženja klubova uzgajivača
golubova pismošosa
Bosne i Hercegovine

Adresa

75000 Tuzla
Trnovac 4
Bosnia & Hercegovina

Urednik Biltena
Jahić Almir



IZVJEŠTAJ PREDSEDNIŠTVA ZA 2007 GODINU

Poštovana gospodo,

U 2007 godini predsjedništvo je dalo sve od sebe da dobije dozvolu za ulazak u Republiku Hrvatsku. Pored mnogih intervencija naših simpatizera i samih nas, ipak nismo uspjeli dobiti dozvolu za ulazak golubova. Na vrijeme smo obavijestili sve zone o ovom događaju, tako da su svi na vrijeme mogli organizirati takmičenje iz pravca jugo-istoka, odnosno Republike Srbije. Svi klubovi iz udruženja i zone koje su prijavile takmičenje iz Srbije, predsjedništvo je obezbjedilo nesmetan ulazak. Sve staze su bile prijavljene pa datumima prelaska, odnosno ulaska u Srbiju tako da nije bilo problema. Za takmičenje mladih golubova predsjedništvo je uradilo isto, poslali smo na granicu spisak golubova i tačan datum prelaska (uvoza golubova) granice. Međutim, došlo je do problema i pojedine zone nisu mogle izvesti golubove iz Republike BiH. Poštovane kolege, morate znati da ukoliko posjedujete sve uredne papire od strane FBiH tj. ukoliko Ministarstvo izda certifikat to je dokument sa kojim prelazite odnosno napuštate BiH. Ovaj problem mi se nadamo da ćemo riješiti u narednoj takmičarskoj sezoni 2008.

Sad bi se osvrnuo na godišnjak iz 2007. Po prvi put svi odgajivači su dobili po jedan primjerak godišnjaka uz naknadu od 5 KM. Predsjednik TK dao je sve od sebe da godišnjak bude u standardu sa drugim godišnjacima iz okruženja što smo i uspjeli, tako da možemo svoj godišnjak bez stida pokloniti bilo kome. Zato Vas molim nemojte kritikovati nego dajte sugestije i prijedloge da bi godišnjak u 2008 bio još bolji i kvalitetniji. Moram još jednom naglasiti da ovaj sastav predsjedništva radi svega jednu godinu. Ako uzmemo u obzir šta je sve urađeno za godinu dana mislim da zaslužujemo pohvale za rad a ne kritike. Svaka sugestija od svakog pojedinca biti će saslušana i sprovedena ako je za dobrobit Saveza.

U ime Upravnog odbora i svoje lično želim vam mnogo sreće u sezoni 2008.

Predsjednik:

Enes Mustačević

PLAN I PROGRAM RADA ZA 2008 GODINU

Po informacijama koje smo dosad dobili o uslovima za ulazak u Republiku Hrvatsku male su nam šanse da ovu takmičarsku sezonu možemo realizovati na ovaj način. Naši realni izgledi su da ovu sezonu takmičimo iz Republike Srbije, tako da predložimo svim zonama da na vrijeme odrede mjesta puštanja, izračunaju udaljenosti i da na vrijeme prijave planove leta Takmičarskoj komisiji.

U protekloj sezoni svi smo se suočili sa nepravilnostima i nedostacima našeg Takmičarskog pravilnika, na Skupštini održanoj u Travniku usvojene su neke izmjene pravilnika čiji tekst u cijelosti objavljujemo u ovom prvom broju našeg Biltena. Na istoj skupštini, a na osnovu prijedloga pojedinih članova udruženja i Statut je pretrpio određene promjene i to u članu 21. Usvojeno je da u Upravni Odbor ulaze i po jedan delegat iz svakog kluba. Ova izmjena će doprinijeti boljem i kvalitetnijem radu Upravnog odbora, u takvom sastavu Upravni Odbor donosi pravosnažnu odluku nadpolovičnom većinom prisutnih, tako da ne bi došli u situaciju da zbog neaktivnog rada pojedinih klubova remetimo rad Upravnog Odbora i čitavog Saveza.

U Statutu postoji i Stručna komisija, čiji su članovi predloženi na Skupštini i što se na jednoj od slijedećih sjednica Upravnog odbora treba i verifikovati. Pošto je ovo završna godina Olimpijskog ciklusa naš Savez bi trebao da uzme učešće bar u kategoriji kratkih staza. Da bi učestvovali na Olimpijadi mi moramo održati izložbu golubova pismošosa što ćemo ove godine i učiniti. Na skupštini je ponuđeno svim klubovima da organizuju pomenutu

izložbu uz pomoć Stručne komisije. Ove godine planiramo našu zvaničnu web prezentaciju doraditi i obogatiti sadržajem. Moramo se pohvaliti da je www.pismonosa.com jedan od najposjećenijih golubarskih sajtova u regiji. U toku je postavljanje naših rezultata za sezonu 2007 na www.pipa.be i bićemo prvi u regiji čiji rezultati su dostupni svim golubarima širom svijeta. Uložićemo maksimalne napore da u ovoj godini pored ovog Biltena izdamo barem još jedan koji bi trebao biti urađen tehnički mnogo kvalitetnije. Nadamo se da će članstvo prepoznati značaj našeg glasila i njegov doprinos u informisanju i edukaciji.

Kontinuirano ćemo raditi i na edukaciji članstva po pitanju uzgoja i takmičenja sa golubovima pismošosama. Posebnu pažnju ćemo obratiti na održavanje zdravlja naših ljubimaca kroz stalno promovisanje modernih metoda u prevenciji bolesti. Posebno apelujem na takmičarske komisije zona i klubova da ovome posvete maksimalnu pažnju prilikom kontrole.

Nabavka i distribucija saveznih prstenova će se i u 2008 uraditi na vrijeme, tako da svi mogu već sada računati na to da će prstenova biti u dovoljnom broju. Nadamo se da će članstvo prstenove sve više nabavljati preko našeg saveza jer je to u interesu svih nas.

Predsjednik UKUGPBiH

Enes Mustačević

O ISHRANI

Pitanje ishrane golubova ima veliki uticaj na rezultate koje golub postiže i uopšte na njegove sposobnosti. Golubovi brzo troše svoje zalihe energije za razliku od čovjeka i zato intenzivnije reaguju na hranu. Prehranjivanje golubova je isto tako štetno po rezultate kao i pothranjenost. Kada govorimo o hrani, podjednako važno pitanje je količina i kvalitet hrane. Kada kažem kvalitet, ne mislim na marku hrane koju kupujemo nego na raznovrsnost i sam kvalitet zrna. O načinima ishrane mnogo je napisano i sigurno mnogo će još toga i biti, tako da imamo mnogo različitih teorija i još više praktičnih primjera. Postoje uzgajivači koji strogo vode računa o svakom danu nakon trke i ishrani za taj dan, isto tako postoje oni koji svaki dan koriste istu mješavinu. Ništa u svemu tome nebi bilo čudno osim što i jedni i drugi imaju uspjeha na takmičenjima. Na osnovu ovoga možemo zaključiti da nije sve u ishrani. Zapravo i nije, ali ne smijemo to tako olako shvatiti. Oni što ne mjenjaju mješavinu ili je vrlo malo mijenjaju zapravo umješnim doziranjem količine naprave isti efekat kao i oni koji iz dana u dan mijenjaju sastav mješavine. Većina naših uzgajivača sklona je dobro poznatom sistemu: prvo čišćenje, pa tek sredinom sedmice bjelančevine pa ugljikohidrati. Nema ništa loše u tom sistemu osim što je pitanje da li ječam nakon leta znači čišćenje ili ne, pa recimo da li grašak u srijedu znači da smo na vrijeme počeli puniti mišiće bjelančevinama ili ne. Nova saznanja o ishrani možda ove tri faze dovodi u pitanje ili ne, zaključite sami.

Kod kraćih letova dolazi do izražaja maksimalni utrošak kiseonika u mišićima i to je glavni kriterij za ograničavanje mogućnosti golubova. Ovo se ograničenje treninzima može pomjeriti na gore i o tome će biti riječi u sledećem članku, ali tu dolaze do izražaja i nasledne osobine goluba odnosno možemo reći kvalitet goluba. Kod dužih letova zbog manjih brzina potrebe za kiseonikom nisu u prvom planu, sada su ograničavajući faktor količine deponovanih masti i ugljikohi-

drata u mišićima. Ovo se ne odnosi samo na dužinu letne staze nego i uopšte na težinu leta (vjetar, kiša...) Iz svega ovoga se može izvući zaključak da je sistemsko hranjenje masnim kiselinama i šećerom potrebno da bi na dan pakovanja rezervoar bio pun. Kako to ostvariti?

Da bi to ostvarili nije dovoljno davati podjednaku količinu ugljikohidrata i



Legendarni golubari braća Janssen i Klak

masti tokom sedmice. Ono što je važno jeste da će se oba rezervoara energije ispravno napuniti tek ako su bili potpuno ispražnjeni. Znači što je bolja potošnja bila na letu to ćemo biti uspješniji u punjenju. Najbolje rezultate možemo postići ako posle pražnjenja rezervi u



mišićima 100% hranimo bjelančevinama (sočivo, pasulj, grašak) pa tri dana prije trke sa šećerom (kukuruz, pirinač, ovas...) pa onda masnim kiselinama (kikiriki, ulje kukuruznih klica). Znači najefikasnije je prva dva do tri dana nakon trke hraniti sa što manje masti i ugljenih hidrata. Do sada ishrana bjelančevinama na početku sedmice nije dolazila u obzir

zbog čišćenja organizma od ostataka pri sagorijevanju hranjivih materija. Pri tome se mora naglasiti da smješe za čišćenje ne garantuju izbacivanje štetnih ostataka. Čišćenje će se najbolje obaviti ako smanjimo količinu hrane, ne postoji bolje čišćenje od posta. No čišćenje i nije jedini problem, jednostavnu ishranu bjelančevinama ne možemo tako lako uraditi jer ne postoji hrana u kojoj nema masti i ugljikohidrata, ali postoje zrna koja sadrže malo ovih sastojaka i puno bjelančevina (mahunke: sočivo, grašak, pasulj). Znači, izbjegavajte na početku sedmice ugljikohidrate (ječam za čišćenje i nije najsretnije rješenje ali zbog malog sadržaja masti može se malo koristiti u dijetalnoj smješi), pogotovo izbjegavajte davanje meda i groždanog šećera (to se primjenjuje samo za iscrpljene golubove kojima treba oporavak). Ima jedan jeftin trik sa hljebom: isjeckati hljeb na kockice i neka se dva-tri dana osuši na promaji, poslije toga te hljebne kockice uvaljajte u žumance i opet prosušiti. Ovako bi otprilike izgledala ishrana nakon srednje teškog leta: Nedelja i ponedjeljak ujutro kockice hljeba i malo ječma do sitosti, od ponedjeljka uveče do srijede ujutro obroci mahunarki (mješavina graška, sočiva i pasulja) ito u količinama 15-20 gr po golubu (jedna supena kašika sadrži cca 12gr) uveče i 10-12 gr ujutro. Od srijede uveče počinju žitarice (kukuruz, pšenica, dari riža...) i svaki put uveče po pola kikirikija. Večernju mješavinu pripremimo nekoliko dana ranije, obogatimo je uljem kukuruznih klica i ostavimo na vazduhu da se osuši. Petak uveče ide kikiriki do sitosti. Dan pakovanja 10-12 gr žitarica.





O TRENINGU

Kako postići duži trening i na koji način na natjeramo golubove da pri letu oko kuće brže lete? Ako na takmičarskom letu želimo postići veću brzinu, golub mora da se tako i trenira i da se granice izdržljivosti pomjera iz treninga u trening. Na početku sezone trening je isti i za kratkoprugaše i za dugoprugaše zbog adaptiranja organizma i zato je na početku sezone potreban duži i intenzivniji let. Kada se ova faza prevaziđe



ne smije se više insistirati da dugim i sporim letovima oko kuće. Naprotiv vrijeme treninga treba tako odmjeriti da se jednom ili dva puta dnevno leti sa 80% snage i to oko 20 minuta. Kod ovih kratkih treninga golubovi lete motivisanije i brže. Iz treninga u trening se pomjera granica izdržljivosti te se pojačava uticaj na miškulaturu, srce, krvotok i pluća. Trening ne smije biti kraći od 20 min, ne smije biti ni predug jer ne podstiče brzinu. Dakle, intenzitet treninga igra veliku ulogu. Teoretski, golub tokom treninga treba tako brzo da leti da se sagorijevanje energije

u mišićima maksimalno iskoristi. Samo vrhunski istreniran mišić pravi veće rezerve glikogena i masti i samim tim veće rezerve energije. Da se održi jed-



nom postignuti stepen utreniranosti, golubove treba prije takmičenja i između takmičarskih letova puštati sa 30-40 km. Uspješnost se dakle povećava tek brzim letenjem, sporo letenje ne doprinosi povećanju sposobnosti golubova. Brzo letenje se postiže tako da se golubovi jednom ili dva puta dnevno u tačno vrijeme terniraju oko kuće. Ako se leti

jednom dnevno onda dužina leta treba biti oko 45min ako se leti dva puta onda po jednom letu od 20-30 minuta. Kada se vrijeme bliži kraju golubove treba prizvati zviždukom ili nekim drugim znakom (konzervom sa hranom) na koji su oni naučili da brzo ulaze u golubarnik. Pri suhom i sunčanom vremenu golubovi prirodno radije lete nego po kišovitom i oblačnom. Naši golubovi lete po prirodi iz želje, ta želja je veća što su golubovi zdraviji. Zdravlje ne predstavlja izostanak bolesti nego i izostanak i za oko nevidljivih nametnika, trihomonada, glista i sl. Golub narušenog zdravlja nalazi se u trajno umornom stanju. Zato je prije početka treninga potrebno provesti par tretmana da se bakterije, virusi i ostali izazivači bolesti svedu na najmanju mjeru. Naprimjer golubovi mnogo bolje i brže lete nakon kure sa Chlortetracyklinom za upalu disajnih organa ili nakon kure sa chloramphenikolm protiv salmonele. Sve tretmane je potrebno obaviti prije takmičarske sezone, a u toku sezone jednom sedmično tretirati golubove utorkom naizmjenično protiv trihomijaze, salmonele i upale dišnih puteva. Naši golubovi kao i sva druga živa bića su zavisni od neke vrste unutrašnjeg časovnika koji zavisi od doba dana. Tako je prirodno da je aktivnost goluba veća u jutarnjim časovima nego poslije podne. Na ovaj način bi se moglo zaključiti da je bolje trenirati golubove ujutro nego poslije podne. No, ovo nije tačno. Jutarnji trening ne donosi porast kondicije jer se organizam u to vrijeme lakše prilagođava naporima i opterećenje se lakše podnosi. Ako svojim golubovima omogućiti samo jedan terning dnevno onda je bolje da to bude poslije podne ili još bolje u podne. Ako golubove malo nahranimo prije leta još ćemo ih više opteretiti jer se dio krvi preusmjeri za varenje i sam trening je djelotvorniji.

samo jedan terning dnevno onda je bolje da to bude poslije podne ili još bolje u podne. Ako golubove malo nahranimo prije leta još ćemo ih više opteretiti jer se dio krvi preusmjeri za varenje i sam trening je djelotvorniji.

U posjeti golubarima

Franz Knoll - Austrija

Naš član Selvedin Lugonja kojeg smo na zadnjoj skupštini u Travniku imenovali u Stručni odbor našeg Saveza je bio vrijedan i za naš prvi Bilten pripremio intervju sa Franzom Knollom poznatim austrijskim golubarom prilikom jedne posjete tom dobrom čovjeku i golubaru.

Lugonja Selvedin : Od kad ste počeli uzgajati pismošose i kako ste letili u prvim godinama ?

Franz Knoll : 1975 god. sam počeo sa pismošosama, a 1977 god. sam počeo sa prvim takmičenjem u kojem sam se odmah dobro pokazao. U 1. trci sam imao najbržeg goluba u RV a na drugoj stazi sam od 26 golubova plasirao 20 . Tada sam imao najbržeg goluba u RV sa leta iz Nürnberg-a 260km udaljnosti. Ali kao početnik nisam bio ni dobro upućen u taj sport i te sam uspjehe ostvario sa prilično jednostavnom pripremom i bez posebne ishrane, mogu slobodno reći da sam ih hranio samo kukuruzom. I zadnji let te sezone sa 660km udaljnosti sam dobro izletio, poslao sam 7 a plasirao 5 golubova.

Lugonja Selvedin : Koji su vam bili najbolji uspjesi do sada?

Franz Knoll : 1997 god. let iz Brisela 745km udaljnosti sam poslao 35 a 26 plasirao. 2000 god. bio sam 12. ukupno u državi, 3. u VRV (Zona-Gornja Austrija), 1. mjesto pojedinačno sa "415-99-326" 12/12 plasmana, 1 mjesto pojedinačno sa "415-96-129" 12/12 plasmana, 2001 god. bio sam VRV pobjednik sa starim i mladim golubovima, 2002 god. bio sam 5. ukupno u državi, 2003 god. bio sam 3. ukupno u državi, 2004 god. imo sam najboljeg u VRV goluba "415-99-326", 2005 god. bio sam 5. ukupno u državi, u VRV najbolji sa dva goluba i to sa "415-02-085" i "415-01-898". Imao sam u Fracuskoj na Olimpijadi 4 goluba i ta 4 goluba bili su najbolji iz Austrije, 10. 11. 16. i 36 mjesto na Olimpijadi .



Lugonja Selvedin : Sa kojom metodom letite i koje preperate koristite?

Franz Knoll : Ja letim sa "TOTALNIM SAMAČKIM SISTEMOM". Početkom godine sastavim letace i pustim ih da othrane po dva mlada, kad ih othrane onda ih ponovo pustim da snesu jaja i pustim ih da leze 7-8 dana na njima i onda ih razvojem po polovima. Gledam da ih 5-6 puta treniram od 20-60km prije trka. Subota, kad pocnu dolazit golubovi



vi sa trke čeka ih čaj sa medom u vodi, a onda im dajem malo konoplje kroz prste i onda ih nahranim sa dijetalnom hranom. Mužijaci i ženke ostanu zajedno do uveče i onda ih razvojem. Srijeda i četvrtak dobiju 100% sportsku hranu, a u petak opet dijetalnu hranu dobiju sa 40%

kukuruzu i to u 6 sati ujutru jer se kod nas se petkom golubovi pakuju. Svake druge sedmice dajem trkacima preparat protiv trihomonijaze. Sve do 2007 god. davao sam golubovima hranu od Versele Lage "Plan 1" i "Plan 2", a od ove 2008 god. prešao sam na "OVATOR" hranu "Top Power" i "Top Energie". U vodu dajem "Forta Vital" pa 2x sedmicno "Prange Suppe" pa "Kräuter Vital od Nebel-a" i "Röper Öl" preko hrane !

Lugonja Selvedin : Dajete li golubovima neke medikamente, ako da koje?

Franz Knoll : U periodu takmičenja ne dajem nikakve medikamente. U januaru vakcinišem maticne i trkace protiv paramxovirose. Prije takmičenja dajem im Gambakokcid 7 dana u vodu protiv trihomonijaze. Mlade golubove vakcinisem 6 nedelja prije takmicenja protiv paramxovirose. I mlade golubove očistim takođe prije takmicenja protiv trihomonijaze sa Gambakokcidom !

Lugonja Selvedin : Koliko imate golubova?

Franz Knoll : Ukupo ih imam skoro svake god. oko 250 komada . Matičnih 50, trkaca 90 i mladih oko 90 komada.

Lugonja Selvedin : Od kuda ste nabavljali golubove?

Franz Knoll : Prve golubove sam donio od gosp. Kratschmayr-a i jednog klubskog prijatelja.

Prave uspjehe sam postigao tek 1994 god. sa golubovima od gosp. Ernst Nebel-a velikog majstora

Njemačke. Tada sam uzeo jednog "sina od Bingo" koji je bio 2. AS-Golub Njemacke sa 6 x 1. mjestom, pa sam uzeo jednu "čerku od Schwarzen Diamant" koji letio ukupno od 25/24 plasmana sa 7 x 1. mjestom. I tako sam se svake godine pojačavo sa 2-3 goluba od Nebel-a. Sad imam i svoje matične golubove koji su se dobro pokazali kao takmičari naprimjer :

AUT 415-95-070 1996: 12/11 Plasmana, ukupno osvojio 43 Plasmana
AUT 415-96-129 2000: 12/12 Plasmana



mana 1.VRV-Golub, ukupno osvojio 44 Plasmana

AUT 415-97-236 ukupno osvojio 60 Plasmana

AUT 415-99-326 3 x 1. VRV-Golub, 1 x 3. VRV-Golub, 2 x Olimpijada Golub 10. i 23. Mijesto, ukupno osvojio 55 Plasmana

AUT 415-01-682 ukupno osvojio 55

Plasmana

AUT 415-02-085 2005: 1. VRV-Golub, ukupno osvojio 46 Plasmana

Lugonja Selvedin : Gospodine Knoll jeste li uključeni u rad svoga kluba ili Saveza?

Franz Knoll : Od 1993 god. sam Predsjednik TK zone, to je kod nas Gornja Austrija i Salzburg (VRV). Pored toga sam još i blagajnik i sudija Zone.

Lugonja Selvedin : Imate li jos neki savjet ili neko iskustvo za naše prijatelje u Bosni?

Franz Knoll : Najvažnije je da je golubarnik u redu, sta mislim pod tim : da nema propuha, da se održava higijena i da nije prenaseljen. Pa onda, održavati zdravlje golubova, to je najvažnije. Trening je takođe vrlo bitan, i poslije prvih trka je bitno dati nesto protiv trihomonijaze.

Lugonja Selvedin : Gospodine Knoll imate li još neki hobi pored pismošosa?

Franz Knoll : Da, pored pismošosa uzgajem i zečeve i to sa vrlo dobrim uspjesima. Imam dvje rase "Velike Sive" i "Male Srebrenaste". Bio sa 3 x Evropski pobjednik i 5 x Evropski šampion sa „Velikim Sivi-ma“.

Lugonja Selvedin : Hvala vam lijepo na vremenu koje ste odvojili za nas i želimo Vm dobar let u 2008 god.

Franz Knoll : Nema na čemu, drago mi je da ste me posjetili, hvala i vama. Želim

vam svima u Bosni i Hercegovine

"Dobar Let" i puno uspjeha u 2008 god. !!!

Selvedin Lugonja



TAKMIČARSKI PRAVILNIK

I OPŠTI DIO

Član 1.

Na osnovu člana 13 i člana 41 Statuta Udruženja klubova uzgajivača golubova pismoša u Bosni i Hercegovini (u daljem tekstu UKUGP BiH), donosi se ovaj Takmičarski pravilnik (u daljem tekstu TP), koji će služiti kao osnova za organizovanje, sprovođenje, kontrolu i nagradjivanje takmičenja golubova pismoša u BiH.

Član 2.

Sastavni dio ovih pravila je godišnji plan takmičenja za stare i mlade golubove koji sastavljaju klubovi i prijavljuju Saveznoj takmičarskoj komisiji (STK). Pod starim golubovima se podrazumijevaju golubovi koji su prstenovani prstenom ranijih godina, a pod mladim golubovima se podrazumijevaju golubovi koji su prstenovani prstenom tekuće godine.

Uz plan takmičenja, klubovi su dužni poslati i spisak takmičara sa adresama golubarnika, brojem telefona, koordinatama x-y i tačnim geografskim širinama i dužinama golubarnika.

Takođe su klubovi dužni dostaviti spisak svih golubova za svakog takmičara posebno sa brojem prstena (oznaka države, godina i serijski broj) oznakom pola i boje goluba. Za takmičare koji koriste elektronski sistem, potrebno je dostaviti i spisako dodjele elektronskih prstenova („čipova“) iz odgovarajućih uređaja.

Svi prijavljeni golubovi moraju biti vakcinisani protiv paramyxoviroze. Golubovi koji nisu vakcinisani ne mogu učestvovati na takmičenjima pod okriljem UKUGP BiH, a klubovi su dužni dostaviti i ovjerenu izjavu da su svi prijavljeni golubovi vakcinisani protiv paramyxoviroze. Za sprovođenje i kontrolu vakcinisanja odgovorna je klupska takmičarska komisija.

STK će naknadno propisati izgled spiskova za dostavu, a obrasci će biti dostupni na internet stranicama saveza. Do propisivanja novih obrazaca mogu se koristiti stari obrasci.

Spiskove je potrebno dostaviti u elektronskoj formi preko e-maila i poštom sa ovjerom predsjednika takmičarske komisije kluba. Rok za slanje svih gore spomenutih spiskova je 15.04. tekuće takmičarske godine za stare golubove, odnosno dvije sedmice prije početka takmičenja za mlade golubove.

Neblagovremene i neovjerene i nekompletne prijave povlače diskvalifikaciju kluba za tekuću sezonu.

Član 3.

Godišnji plan takmičenja mora sadržavati sve planirane staze sa terminima održavanja kao i prijavu rezervnih termina koji se koriste ukoliko neki od planiranih letova ne budu održani

iz objektivnih razloga ili više sile. Plan mora sadržavati slijedeće:

Tačne koordinate mjesta puštanja i to x-y koordinate i geografsku širinu i dužinu mjesta puštanja.

Datum puštanja, mjesto puštanja, planirano vrijeme puštanja,

Naziv kategorije staze (kratka, srednja, duga, maraton)

Datum, vrijeme i mjesto pakovanja te mjesto štopovanja satova

Vrijeme početnog štopovanja, vrijeme završnog-kontrolnog štopovanja te vremena eventualnih kontrolnih štopovanja kod višednevnih takmičenja

U okviru rezervnog termina može se koristiti isključivo prijavljena destinacija, odnosno neodržana staza

Plan leta sadrži najviše 10 staza za stare i 4 staze za mlade golubove. Od 10 staza za stare najviše 5 se mogu prijaviti za kratke, 4 za srednje i 2 za duge i to treba biti naglašeno u prijavi.

Na svim takmičenjima u organizaciji klubova koji su članovi UKUGP BiH mogu učestvovati samo registrovani takmičari. Dvojica ili više takmičara mogu se udružiti i nastupati kao tim uz obavezu plaćanja pojedinačnih članarina za svakog pojedinca posebno.

Dozvoljeno je učestvovanje klubovima i pojedincima članovima UKUGP BiH na internacionalnim letovima koje organizuju inostrani savezi i klubovi. Takođe je dozvoljena zajednička organizacija letova i takmičenja sa stranim savezima i klubovima.

Golubari iz susjednih zemalja mogu biti članovi našeg saveza ako su članovi nekog od klubova iz UKUGP BiH.

Član 4.

Za primjenu ovog pravilnika, kontrolu i sprovođenje takmičenja odgovorni su predsjednici klubova i predsjednici klupskih takmičarskih komisija (KTK). Pored njih takmičenje kontroliraju: Savezna takmičarska komisija (STK), zonska takmičarska komisija (ZTK), predsjednik UKUGP BiH, predsjednik STK i lica ovlaštena od predsjednika UKUGP BiH i predsjednika STK.

Član 5.

Klubovi se mogu udruživati u zone. Pripadnost zoni svakog takmičara određuje adresa i koordinate njegovog golubarnika, a ne pripadnost klubu. U slučaju da neka zona ne zadovoljava uslove po broju golubara i golubova može se spojiti sa drugom susjednom zonom u cilju ispunjenja uslova za priznavanje leta.

Unutar Zone se bira predsjednik zone, takmičarska komisija od najmanje 3 člana od kojih se bira predsjednik ZTK, i po potrebi druge funkcije (blagajnik, sekretar i sl.).

Član 6.

Uslov za priznavanje rezultata na nivou državnog prvenstva jeste jedinstvena zonska lista od 33% plasiranih golubova za svaku trku uz trenutno važeće norme propisane od strane UKUGP BiH.

Trenutno važeće norme za priznavanje letova UKUGP BiH su: minimalno 2 kluba, 100 golubova i 10 golubarnika. Golubarnici iz istog dvorišta mogu učestvovati u zbrajanju ukupnog broja golubarnika samo kao jedan golubarnik, timovi od jednog ili više golubara smatraju se jednim takmičarem.

Najkraća udaljenost takmičarskog leta iznosi 100km. Za obračun normi koristi se srednja grupacijska udaljenost.

Norme ostaju na snazi sve dok ih Skupština UKUGP BiH ne promjeni.

Udaljenost staza se mjeri po **GAUŠ-KRUGER**-ovoj formuli, odnosno pomoću formule preko radijusa Zemlje i geografskih širina i dužina. Udaljenost se može mijenjati samo ako je nedvojbeno utvrđeno da se radi o pogrešno izračunatoj udaljenosti.

Član 7.

Klubovi mogu organizovati svoja interna takmičenja mimo propisa ovih pravila. Ovakvi letovi i njihovi rezultati ne priznaju se u Savezne rezultate, kao ni letolvi koje klub nije prijavio godišnjim planom takmičenja.

Član 8.

Organizatori takmičenja i prevoza su klubovi ili zone. Predsjednici klubova ili zona te KTK ili ZTK su odgovorni za cjelokupnu organizaciju takmičenja, prijevoza i primjenu ovog pravilnika. Organizator takmičenja potpisuje ugovor sa UKUGP BiH kojim preuzima materijalnu odgovornost, odnosno garantuje ispravnost prevoza i organizacije takmičenja.

Član 9.

Organizator takmičenja i prijevoza mora se pridržavati propisanog prostora za transport golubova u specijalnim vozilima ili kavezima. Zone i klubovi mogu voziti golubove u više prevoznih sredstava. Svaku trku se bira pratilac, to je lice koje je zaduženo za kontrolu puštanje golubova. U slučaju da se golubovi prevoze sa više vozila kretanje se obavezno vrši u konvoju kako bi pratilac imao uvid u kretanje svih vozila.

Nije dozvoljeno da se u takmičarskim kavezima nalaze golubovi van konkurencije kao niti golubovi bez gumenog kontrolnog prstena ili elektronskog prstena (čipa).

Član 10.

Najmanje 10 golubarnika mora učestvovati na takmičarskom letu. Ako nema dovoljno takmičara ili golubova za određeni let može se uz suglasnost drugih klubova učesnika toga leta, izvršiti zajednički let sa još jednim ili više klubova da bi se ispunila norma od 10 golubarnika i 100 golubova.



Pakovanje golubova, otvaranje i zatvaranje satova, početno i završno štopovanje, učesnici zajedničkog leta moraju obavljati na jednom mjestu, ili uz obezbjeđenje materijalne naknade za kontrolora iz sastava STK (koji su 2 dana ranije obavješteni), klubovi navedene radnje mogu obaviti u svojim prostorijama.

Član 11.

Ocjenjivačka lista radi se u postotku od 33% na osnovu prosječne brzina leta izražene u metara u sekundi na 3 decimale. U slučaju istih brzina postotak od 33% se ne može uvećavati nego prednost ima golub koji na više od 3 decimale ima veću brzinu. Ako se to ne može utvrditi onda prednost ima golub upisan pod manjim rednim brojem u prijavnju listi. U slučaju da je sve identično i da se ne može odrediti koji golub ide na listu 33% onda se odlučuje izvlačenjem „iz šešira“ u prisustvu ZTK i takmičara.

Član 12.

Svaka Zona mora imati svoje glavno mjesto za pakovanje golubova i zatvaranje takmičarskih satova. Zone mogu uz odobrenje ZTK i predsjednika STK, osnovati podružnice za pakovanje golubova i pokretanje, odnosno zaustavljanje satova. Za osnivanje podružnice, uslov je da u njenom radu učestvuje minimalno 5 (pet) golubarnika iz dva različita kluba i da se pakuje minimalno 100 komada golubova. Na takvom mjestu pakovanja mora raditi mješovita komisija za pakovanja sastavljena od članova oba kluba. Odobrenje za podružnicu može biti odmah povučeno, ako dođe do povrede pravila TP. Predsjednik zone može kod povrede pravila, privremeno zabraniti let. Molbe za otvaranje podružnica moraju se dostaviti zoni, koja ih mora uzeti u razmatranje i ako smatra da je opravdano otvaranje podružnice treba tražiti pismenu saglasnost predsjednika STK. Predsjednik zone i ZTK moraju se brinuti da se na mjestima pakovanja i otvaranja satova, poštuje ovaj TP. U tu svrhu imaju pravo provesti odgovarajuće kontrole i u slučaju narušavanja pravila TP diskvalifikovati let za taj klub ili klubove bez umanjavanja plasmana i olimpijskih kriterija kako se ne bi oštetili drugi klubovi iz te zone.

Zapakovane golubove iz podružnice ZTK ima pravo dodatno prekontrolisati uz trganje plombi i pregled svakog goluba ili metodom slučajnog odabira.

U slučaju da se otkrije bilo koja povreda propisa ZTK može diskvalifikovati sve golubare i golubove koji su sudjelovali na pakovanju u podružnici za taj let.

Član 13.

Na takmičenjima – letovima mogu učestvovati samo golubovi prstenovani BiH saveznim prstenom ili prstenom nekog drugog saveza. Za strane prstenove obavezno je uz prijavu poslati i kopije vlasničkih kartica ovjerene od strane predsjednika KTK.

Na takmičenjima nemogu učestvovati golubovi bez prstena, sa proširenim prstenom, sa sječnim prstenom, sa neodgovarajućim prstenom, kao ni golubovi za koje vlasnici ne posjeduju dokaz vlasništva (vlasničku karticu).

Ukoliko se na prilikom kontrole ustanovi da golubar ne posjeduje vlasničku karticu, rezultati

takvog goluba se brišu uz korekciju svih listi, a takmičar se upućuje disciplinskoj komisiji.

Golubovi sa stranim prstenom ne mogu reprezentovati BiH niti učestvovati na državnoj izložbi niti u jednoj kategoriji.

Član 14.

Na takmičenjima ne smiju učestvovati bolesni golubovi. Ne smiju učestvovati golubovi koji nisu primili zaštitinu vakcinu protiv paramyxovirusa (kuga). Kontrolu zdravstvenog stanja golubova vrši ZTK, STK ili ovlašteno lice na mjestu pakovanja ili u golubarniku prilikom kontrole golubara. Prilikom kontrole dozvoljeno je fotografisati sumnjivog goluba i uzeti odgovarajuće uzorke. Garanciju za vakcinisanje preuzimaju klubovi na sebe.

Svaki takmičar je dužan dozvoliti kontrolu golubova i golubarnika od strane bilo kojeg člana STK ili lica sa ovlaštenjem predsjednika STK, članova ZTK, predsjednika zone i predsjednika UKUGP BiH. Bolestan golub koji ne može učestvovati na takmičenju je golub sa boginjama, golub koji vidno loše izgleda (neveseo, narogušenog perja, suzenje u očima, otoci usled trihomonijaze i salmonelle te difterija). Prilikom kontrole dozvoljeno je pregledati golubu u kljun i perje.

Golub kod kojeg su primjećeni spoljni nametnici i paraziti na perju takođe ne mogu učestvovati na takmičenju.

Prilikom odstranjivanja goluba sa takmičenja odgovarajuća komisija zapisnički konstatira razloge izdvajanja i sačinjava eventualnu dokumentaciju (fotografija, zapažanja...)

Ukoliko golubar iz bilo kog razloga ne dozvoli kontrolu zdravstvenog stanja svojih golubova ili svog golubarnika u cjelini te po svaku cijenu nastavlja sa pakovanjem svojih golubova, biva automatski diskvalifikovan za tu stazu.

Član 15.

U Državnom prvenstvu BiH postoje dvije kategorije golubova: STANDARD i SPORT. Ako nije posebno naglašeno sve do sada, a i u buduće rečeno odnosi se na kategoriju SPORT.

Državno prvenstvo se odvija u sledećim konkurencijama:

- Pojedinačno takmičenje
- Ekipno takmičenje.
- BiH majstorstvo
- Klupsko takmičenje

Posebno za stare, a posebno za mlade golubove.

Bodovanje na ocjenjivačkoj listi se vrši prema AS bodovnom sistemu i formuli:

Bodovi=(broj plasiranih golubova-redni broj na list+1)x100/broj plasiranih golubova

Savezne liste se prave po principu da broj plasmana ima veću težinu naspram broja AS bodova, tj.golub sa više plasmana je ispred goluba sa manje plasmana bez obzira na broj AS bodova.

Član 16.

POJEDINAČNO

Kategorija Broj letova

A (Kratke Staze) 100-300km 4

Dva leta moraju biti preko 200km

B (Srednje Staze) 300-600km 4

Dva leta moraju biti preko 400km

Dozvoljeno odstupanje -10%

C (Duge Staze) Preko 500km 2

Jedan let mora biti preko 600km

Dozvoljeno odstupanje -10%

D (All Round)

100-300km 2-3 leta

300-600km 2-3 leta

Preko 500km 1-2 leta

Ukupno 6 letova

U ukupnom rezultatu moraju biti obuhvaćene sve kategorije, takmičar bira za sebe najbolju kombinaciju. Minimalno 1 let mora biti preko 200, jedan preko 400 km i jedan preko 600 km

E (Maraton) Preko 800km 2

Oba leta moraju biti preko 800km

Sve dužine odnose se na srednje zonske udaljenosti koje dobijaju kada udaljenosti svih takmičara saberemo i podijelimo sa brojem takmičara.

Od svih golubova koji su bili u konkurenciji na nivou saveza pravi se Savezna lista golubova za svaku kategoriju posebno i to isključivo prema AS bodovima. Golubovi koji su prvi na tim listama su prvaci saveza za tekuću godinu za odgovarajuću kategoriju.

EKIPNO

Ekipe čini 5 najboljih golubova jednog takmičara za svaku kategoriju prema Saveznoj pojedinačnoj listi. Svaki takmičar može učestvovati samo sa **jednom** ekipom u svakoj kategoriji. Jedan golub može sudjelovati u više ekipa istovremeno. Svaki takmičar preko svoje KTK (uz ovjeru) prijavljuje svoje ekipe za državno prvenstvo.

BIH MAJSTORSTVO

Za svaku stazu takmičaru bodove donose njegovih prvih 5 golubova sa liste, i to tako što se zbroje AS bodovi tih golubova i ukupan zbir tih bodova na kraju donosi takmičaru mjesto na Saveznoj listi. Takmičar koji ima manje od 5 golubova plasiranih ne dobija bodove za tu trku. Takmičar sa najviše bodova je prvi, sledeći drugi itd. Prvoplasirani, drugoplasirani i trećeplasirani takmičar dobijaju titulu 1. 2. i 3. BiH Majstora za odgovarajuću kategoriju (kratke, srednje, duge, maraton i all round)

KLUPSKO TAKMIČENJE

Sa Savezne ekipne liste takmičara se uzima za svaki klub njegovih 5 najboljih takmičara i zbroj njihovih bodova čini broj bodova kluba za tu kategoriju. Na osnovu tih bodova prave se liste klubova.

Član 17.

Takmičenje mladih golubova se izvodi na maksimalno 4 letnih staza koje moraju imati minimalno 500km srednje zonske udaljenosti i nijedna staza ne može biti kraća od 100km. Bodovanje se vrši isto kao kod starih golubova samo što ne postoje kategorije prema dužinama staza nego je samo jedna kategorija. U toj



kategoriji proglašava se i ekipni pobjednik i BiH majstori za mlade golubove.

Član 18.

Golubar koji prijavi ekipe iz kategorija (A,B,C i D) dakle u svakoj kategoriji mora prijaviti ekipu i ekipu iz mladih golubova ulazi u konkurenciju za titulu Državnog prvaka. Kada se formira Savezna ekipna lista onda se uzima redno mjesto svake ekipe sa liste jednog golubara i boduje se svaki takmičar prema zbiru tih rednih mjesta. Golubar koji ima najmanji zbir je DRŽAVNI PRVAK BiH.

Npr. 1.mjesto na kratkim stazama 1 bod
5.mjesto na srednjim stazama 5 bodova
3.mjesto na dugim stazama 3 boda
2.mjesto u all round kategoriji 2 boda
 2.mjesto u mladim golubovima

To ukupno iznosi u ovom slučaju 13 bodova. Takmičar koji ima manji zbroj je bolji.

Na isti način se proglašava klub DRŽAVNI PPRVAK BiH. Dakle, klub u svim kategorijama mora imati poredak na Saveznim klupskim listama (A,B,C,D i mladi). Klub sa najmanjim zbrojem bodova je prvak.

Član 19.

Za STANDARD kategoriju važe sledeća pravila:

- minimalan broj golubova za letove je 150
- minimalan broj golubara je 20
- minimalna dužina staze je 100km
- minimalano plasiranih kilometara (srednje grupacijske udaljenosti) za dvije godine (olimpijski ciklus) je 3000km za mužijake i 2500km za ženke
- u završnoj godini takmičenja mora biti ostvareno minimalno 30% norme, tj. Za mužijake 900km, a za ženke 750km

Član 20.

Nije dozvoljen prelazak takmičara iz kluba u klub u toku takmičenja. Takmičar koji želi promijeniti klub mora to uraditi do 31.12. tekuće godine uz ispisnicu kluba iz kojeg ide, radi sigurnosti da je u starom klubu izmirio svoje finansijske obaveze, kao ni da se protiv njega ne vodi disciplinski postupak. Aktivni takmičar može promijeniti klub samo unutar svoje zone, kojoj po mjestu stanovanja pripada.

U slučaju da klub primi člana-takmičara iz drugog kluba koji nije izmirio svoje finansijske obaveze, tada klub koji je primio takvog člana preuzima obavezu podmiriti dug novopridošlog člana.

Takmičar kojemu je izrečena zabrana takmičenja u jednom klubu, ne može se takmičiti u nekom drugom klubu.

Klub kojemu je izrečena zabrana takmičenja, ne može se udruživati s drugim klubovima, niti se bilo koji njegov član može takmičiti u drugom klubu.

Član 21.

Takmičarski letovi se u principu ne odgađaju, osim u slučaju nevremena ili više sile.

U slučaju nepovoljnih vremenskih uslova, više sile (kvar vozila, nevrijeme), mjesto puštanja može se pomjeriti na prvo naredno koje je planom takmičenja predviđeno u istoj kategoriji staze (kratka na kratku, srednja na srednju, duga na dugu stazu) isključivo uz usmeno-telefonsko odobrenje predsjednika ZTK i STK.

Odgoda leta može se izvršiti i prije pakovanja golubova za određenu stazu, ako je najavljeno loše vrijeme ili neki drugi razlozi koji sprečavaju mogućnost regularnog transporta i leta. Ukoliko se iz opravdanih razloga let nije izvršio u zakazanom terminu plan leta se nastavlja prema prijavljenom rasporedu.

O osvim eventualnim promjenama na planu leta potrebno je dobiti pismenu saglasnost predsjednika STK. Odluku o odgađanju nekog leta donosi KTK, ZTK uz saglasnost predsjednika STK. Tada se ta staza nadoknađuje u terminu predviđenom po prijavi rezervnih staza ili se kompletan plan leta pomjera za sedmicu unaprijed.

Rezervni let se prijavljuje uz redovan plan takmičenja i samo se u tome terminu može održati.

U slučaju zvanične najave lošeg vremena od strane meteorološkog zavoda, let (takmičenje) može biti pomjereno i dan prije ili dan poslije od planiranog datuma

Član 22.

Kontrolu takmičenja vrši STK, ZTK, KTK ili ovlašteno lice-pismeno. Svaki klub i svaki takmičar u slučaju kontrole dužan je dozvoliti kontrolu svih golubova i dokumentacije u sljedećim slučajevima:

- prilikom takmičenja;
- pri pakovanju golubova;
- kod puštanja golubova;
- kontrolu takmičarskog sata;
- kontrolu zdravstvenog stanja golubova.
- Kontrolu prispjeća golubova sa kontrolnim satom i gumeno prstenje

O izvršenoj kontroli treba napraviti pismeni zapisnik u 2 (dva) primjerka. Po jedan primjerak daje se takmičaru koji je kontrolisan, a drugi STK.

Zapisnik o izvršenoj kontroli pored kontrolora treba da potpišu: kontrolisani takmičar ili predstavnik kluba uz klupski pečat i svjedok. U slučaju da kontrolisani klub ili takmičar odbiju da kontrolu potpišu, to treba upisati u zapisnik.

Član 23.

Jedanput godišnje UKUGP BiH organizuje Saveznu izložbu. Na istoj moraju učestvovati svi golubovi koji su osvojili neku od nagrada u godini na koju se izložba odnosi.

- A. Sport i standard reprezentacija bira se u skladu sa pravilima F.C.I. Plasmani moraju biti osvojeni u 20% prema uslovima iz člana 6 ovog pravilnika. Sport reprezentacija bira se iz 4 kategorije. Sport reprezentaciju čine 12 golubova, po 3 iz svake kategorije. Sport kategorije su: A. kratke staze, B. srednje staze, C. duge staze, D. all round. Sport reprezentacija se bira prema FCI koeficijentu.

Standard reprezentaciju čine 5 mužijaka i 5 ženki najbolje ocjenjenih na saveznoj izložbi. Golubovi moraju ispunjavati uslove iz člana 20 ovog pravilnika.

II POSTUPCI U TOKU TAKMIČENJA

Član 24.

Svaki klub mora imati 2 (dva) primjerka zapisnika o puštanju golubova na propisanom obrascu za sve izvršene klupske i zajedničke letove. Klub

jedan primjerak zapisnika zadržava, a jedan primjerak šalje STK. Za zonu se pravi zajednički zapisnik koji na poleđini sadržava specifikaciju klubova i broja golubova po klubovima. Zapisnik o puštanju golubova mora da sadržava podatke:

- broj golubova učesnika, pečat, datum i mjesto puštanja, potpis kod utovara i kod puštanja na prednjoj strani, a na poleđini specifikaciju golubara i broj poslanih golubova po golubaru.

Organizator prijevoza u ovom slučaju vodi i ovjerava jedan zajednički zapisnik koji mora propisno da ovjeri na mjestu puštanja, jedan primjerak ovakvog zapisnika zadržava za sebe, a drugi dostavlja klubovima. Ovaj zapisnik na poleđini sadržava specifikaciju klubova, a u rubrici broj golubova-ukupan broj puštenih golubova. Klupski zapisnici su prilog ovog zajedničkog zapisnika.

Ovjeru na mjestu puštanja izvršiti na najbližem mjestu (autobuska stanica, željeznička stanica, milicija, neko preduzeće i sl). Pored toga obavezno je u roku od pola sata nakon puštanja uzeti račun iz blagajne u najbližoj prodavnici ili benzinskoj pumpi. Račun mora sadržavati sat i datum. Ovjeren zapisnik o puštanju golubova za svaki klub, zajedno sa računom iz blagajne i ovjerenim zonskim zapisnikom ovjerenim od strane svih klubova koji učestvuju na letu potrebno je poslati uz ostalu dokumentaciju o letu STK u propisanom roku.

Svaki nedostatak u vezi gore rečenog povlači diskvalifikaciju leta.

Član 25.

Svaki takmičar čitko hemijskom olovkom ili pisačom mašinom upisuje golubove takmičare u obrazac namijenjen za to. U obrascu se mora upisivati redni broj goluba. Za nečitko i nepropisno popunjen obrazac posledice snosi takmičar. Takmičarski sat i golubove takmičare odgajivač u određeni dan i sat predaje KTK koja je zadužena za pakovanje golubova u transportne kaveze. Ona provjerava tačnost brojeva golubova, vrši prstenovanje golubova kontrolnim prstenovima i iste unosi u obrazac predviđen za to. Poslije unošenja svih podataka KTK potpisuje obrazac KTK dva primjerka obrasca zadržava u za to posebnom ormaru, a jedan primjerak obrasca prati golubove od mjesta pakovanja do mjesta puštanja. Poslije povratka ovaj primjerak ostaje u arhivi organizatora leta ili se poštom šalje STK.

Član 26.

KTK prstenovane golubove stavlja u transportne kaveze, popunjava zapisnik o puštanju golubova u propisani obrazac u dva primjerka i predaje ga pratiocu golubova, odnosno onome ko će izvršiti puštanje golubova, radi ovjere.

Član 27.

Svaki takmičar mora imati svoj kontrolni sat. Dopušta se da više takmičara koristi jedan takmičarski sat. Ako više takmičara koristi jedan kontrolni, takmičar mora nositi kontrolni prsten u tuđi sat ili na zbornom mjesto, a za to ne dobiva nikakvu vremensku bonifikaciju.

Član 28.

Svaki vlasnik sata dužan je prije početka takmičenja da provjeri ispravnost rada svoga sata. U toku takmičenja KTK provjerava ispravnost rada prilikom pokretanja i otvaranja sata. Tolerancija žurenja i kašnjenja sata za period od pokretanja do kontrolnog štopovanja ili u višednevnom takmičenju za svaka 24 sata



iznosi 5 (pet) minuta.

Kod većih odstupanja (+) žurenja ili (-) kašnjenja sata od 5 minuta na svaka 24 sata sat se smatra neispravnim i isti se diskvalifikuje za tu stazu. Kod obračunavanja rezultata kod satova koji kasne ili žure za korekciju se uzima onaj dio vremena koji se odnosi na vrijeme leta. Ako kontrolni sat u 24 sata ima odstupanje +/- K minuta, onda se za korekciju uzima (npr. Ako sat u 24 sata žuri 3 minute, a let je trajao 3 sata, onda se korekcija radi za $x = 3h \cdot 3min/24h = 0,375min$, tj. vrijeme dolaska umanjujemo za 0,375 minuta.

Korekcija sata se izračunava samo ako je na štetu takmičara, nikakva popravka (korekcija) vremena nije dozvoljena ako ona znači bolji rezultat za takmičara

Član 29.

Svaki takmičar prije pokretanja sata predaje papirnu traku na potpis KTK. Tako potpisanu traku stavlja u sat i namješta ga na ono vrijeme koje odredi KTK radi istovremenog pokretanja svih satova.

Takmičar čiji sat ima dvije papirne trake obavezno za konstataciju takmičenja mora da koristi unutrašnju, njemu nedostupnu traku. Spoljna traka služi za internu upotrebu takmičara. Ako takmičar koristi samo jednu od dvije trake, tad obavezno mora biti unutrašnja. Namješten sat KTK plombira i na dati znak istovremeno svaki takmičar-vlasnik, pokreće svoj sat. Vrijeme na kontrolnim satovima mora biti usklađeno sa tačnim vremenom prema radio ili TV prijemu ili tačnim ručnim satom. Isti sistem se koristi prilikom završnog štopovanja.

Poslije pokretanja satova, svaki vlasnik pregleda sat da li je krenuo i da li su rupe za konstatovanje pravilno otvorene (kod dvordnih satova prvi red rupa).

KTK poslije pokretanja satova treba da sačini zapisnik o pokrenutim satovima koji sadrži:

- pored imena i prezimena svakog takmičara tvornički broj sata kojeg koristi;
- numerički broj otvorene prve rupe;
- numerički broj rupe za svaki kontrolni štop kod višednevnih takmičenja;
- numerički broj rupe za završni štop.

Jedan primjerak zapisnika koji sačini KTK mora biti ovjeren i potpisan i šalje se STK sa ostalom dokumentacijom vezanom za neku stazu-let.

KTK određuje dan i sat kad će se kontrolni satovi donijeti radi otvaranja ili kontrolnog štopovanja kod višednevnih takmičenja.

Za ispravnost rada i podešenost sata odgovara takmičar koji ga koristi. Završno kontrolno štopovanje mora obavezno izvršiti prije otvaranja satova. Završno kontrolno štopovanje ne može da se ponovi ili da se izvede nakon nekog vremena.

Član 30.

Dopušteno je da vremenska razlika između početnog i završnog štopovanja bude veća od 24 sata i kod jednodnevnih takmičenja. Može se kod pakovanja golubova za let odmah poslije odlaska golubova na put pristupiti startanju satova kako bi odgajivači što prije stigli svojim domovima. Naravno, korekcija sata će biti računata na kompletan vremenski razmak između pokretanja i otvaranja satova.

Član 31.

Kontrolni štopovi kod višednevnih takmičenja

i otvaranje satova raditi u vrijeme noći tj. vremenu mirovanja (od 21 do 04 sata), kako bi takmičari izvan matičnih sredina mogli stići na kontrolni štop, odnosno otvaranje satova.

Član 32.

Kod konstatovanja prispjeća golubova sa leta, dozvoljeno je staviti u svaku rupu (počevši od prve) više kontrolnih prstenova. Posljednji pretinac-rupa mora ostati prazna, osim kod sata koji imaju posebno tvorničko obilježavanje (primjer: Benzing M-261 crvena rupa).

Ako se konstatira prispjeće, goluba, u prvu, ili neku drugu rupu u satu sa starim kontrolnim prstenom, onda se pravi sljedeći ispravan otkucaj uzima kao prvi.

Ako je pretinac-rupa prazna, odgovarajući otkucaj se ne priznaje iako je takmičarski prsten negdje u satu.

Član 33.

Prije otvaranja sata, svi vlasnici satova, izvrše kontrolno štopovanje radi utvrđivanja (+) žurenja ili (-) kašnjenja sata. Prema predhodnoj prijavi, KTK preuzima kontrolne satove, otvara ih i prema kontrolnog traci unosi u sva tri primjerka propisanog obrasca vrijeme prispjeća, izračunava prosječnu brzinu dovoljnog broja golubova u sva tri primjerka.

Poslije izvršenog leta trake iz sata i obrasci za upisivanje pristizanja golubova (ili printani dokumenat iz elektronskih sistema) u roku 72 sata klubovi dostavljaju STK na kontrolu. Trake se čuvaju do konačnog usvajanja takmičarskih rezultata te takmičarske godine.

Obračunske liste klubovi (zone) su dužne poslati najkasnije 10 dana poslije trke-staze.

Član 34.

Poslije izvršenih radnji na otvaranju sata i uzimaju kontrolnih papirnih traka i kontrolnih prstenova iz doboša takmičarskog sata, KTK plombira takmičarske satove i zbrinjava ih u posebnom ormaru ili sanduku i obezbjeđuje ih tako da su izvan dostupa takmičarima do sljedećeg pakovanja, odnosno do kraja letne sezone, kada ih ponovo vraća njihovim vlasnicima.

Član 35.

Prosječna brzina određuje se na osnovu udaljenosti golubinjaka i vremena leta goluba (metara/minuti), odnosno po formuli:

$$v = \frac{s(m)}{t(min)} \quad \text{gdje je:}$$

v - brzina goluba u metrima po minuti

s - udaljenost golubinjaka od mjesta puštanja u metrima;

t - vrijeme leta goluba u minutama.

Prosječna brzina izračunava se obavezno na najmanje tri decimale. Prema redosljedu prosječnih brzina golubova se uvrste u nagradnu listu 33%.

Član 36.

Na osnovu ovako izračunatih prosječnih brzina KTK formira nagradnu listu 33%. Jedan primjerak liste 33% dostavlja STK na kontrolu i uvid najkasnije 10 dana od održane trke-staze.

Član 37.

Ukoliko neko takmičenje traje više dana, ili se predviđa da traje više dana, u tom slučaju KTK mora odrediti na vrijeme kada se vrše kontrolna štopovanja svakog dana, vodeći računa da planirano vrijeme kontrolnih štopova bude obavezno u tkz "mrtvo vrijeme", odnosno vrijeme noći (22,00-04,00h), kako bi i udaljeni takmičari mogli evidentirati prispjeće svojih golubova i stići na vrijeme na kontrolirani štop.

Član 38.

Takmičar koji nakon prvog ili nekoliko dana želi odustati (kod višednevnog takmičenja) mora da to najavi KTK na kontrolnim štopovanju-otkucavaju.

KTK takmičarima koji odustaju od takmičenja može da otvori satove i u obrazac predviđen za to unese vrijeme štopovanja i rezultate.

Član 39.

Najviše jedno višednevno takmičenje može da traje sedam dana, nakon pokretanja satova. Takmičar koji jednom odustane od višednevnog takmičenja nema pravo da ga više nastavi.

Član 40.

Kod takmičenja koje traje duže od jednog dana vrijeme noći (mirovanja) obračunava se sedam sati od 22,00 do 04,00 sati ujutro.

Član 41.

Klubovi koji to prijave, ali samo kod jednodnevnih takmičenja, mogu svoje satove da otvaraju tek sutradan poslije završnog štopovanja. Korekcija sata između kontrolnih otkucanja ne smije preći +/-5 minuta, bez obzira na vrijeme trajanja (24 sata, 48 ili više).

Član 42.

Svaki klub je obavezan da osigura jedan takmičarski ormar ili sanduk u kome KTK može sa sigurnošću, bez malverzacija, da zaključava sljedeću dokumentaciju:

- takmičarske liste;
- koverta sa karticama gumenog kontrolnog prstenja;
- klijesta za plombiranje;
- takmičarske satove (između dvije trke);
- centralu za pakovanje golubova koji se evidentiraju na elektronski sistem.

Član 43.

Ukoliko se upotrebljavaju gumeni kontrolni prstenovi, tada se kontrola brojeva utisnut na prstenu, radi blažeg i lakšeg rada kontrolišu pomoću kontrolnog kartončića na koji se prsten navuče, a prethodno se brojevi pravilno napišu.

Brojevi-šifre na kontrolnom kartončiću moraju se slagati sa onima na prstenu. Opremljene kartončice sa prstenovima staviti u jednu kutiju ili vrećicu i odatle vaditi radi prstenovanja golubova.

Ukoliko se upotrebljavaju metalni kontrolni prstenovi, tada treba iste slagati po redosljedu kontrolnih brojeva ili šifara. Metalni kontrolni prstenovi se redosljedom svojih brojeva stavlja u noge golubova.

Član 44.

Kod upotrebe gumenog kontrolnog prstenja preporučujemo se za svaku stazu druga boja,



da bi se zakasnili golubovi razlikovali od takmičara sa te nedjeljne staze. Ukoliko se istovremeno obavljaju letovi sa dvije staze, **MORA** se za svaku stazu upotrijebiti kontrolno gumeno prstenje druge boje.

Član 45.

Kartončići sa brojevima takmičarskog prstenja obavljenog prstenovanja golubova jednom takmičara ostavljaju se u kovertu na kojoj je napisao ime tog takmičara.

Koverte sa kontrolnim kartončićima sastavljaju se u takmičarski sandučić ili sigurnosni ormar, gdje imenovani takmičar ne može dospjeti do njih.

Član 46.

Prispjeće golubova pismoša sa takmičenja takmičar konstatuje (štopuje) u specijalnu štopericu-takmičarski sat za golubove pismoše ili neki od elektronskih sistema konstatovanja prispjeća, o čemu će biti govora u posebnom članu ovog TP.

Takmičarski satovi moraju biti potpuno ispravni, fabričko izdanje. Satovi ne smiju biti prepravljani ili dotjerivani prema nahođenju takmičara.

Prepravljani ili neispravni satovi ne mogu se koristiti za štopovanje-konstataciju prispjeća golubova pismoša sa takmičenja. Takvi satovi se DISKVALIFIKUJU.

Član 47.

Za nedostatke kod kontrolnog sata što su:

- nenavijen sat, slaba vidljivost, odnosno nečitka traka,
- loš indigo, nepravilni postavljen bubanj za prihvatanje kontrolnih prstenova,
- nepravilno postavljena kazaljke sata,
- nepravilno postavljena ili nedovoljno dugačka kontrolna traka itd.

Kazaljka dana kod starta dana mora uvijek biti postavljena na 0(nula). Za gore navedene nepravilnosti posljedice snosi sam takmičar, te biva DISKVALIFIKOVAN.

Član 48.

Radi utvrđivanje žurenja ili kašnjenja sata svaki sat **MORA** **OBAVEZNO** imati početno i završno štopovanje, kod višednevnog takmičenja za svaki dan i kontrolno štopovanje. Ovo štopovanje moraju biti čitka i jasna ako ne mogu da se pročitaju sat se DISKVALIFIKUJE bez obzira na čitkost ostalih otkucaja.

Član 49.

Kod pokretanja sata poslije izvršenog početnog-startnog štopovanja traka se sa tom konstatacijom dovuče pomoću ključa do vidnog djela sata radi kontrole tačnosti sata, pravilnosti postavljenih kazaljki, kvaliteta otiska itd.

Član 50.

Takmičar kontrolniše poslije pokretanja, da li sat radi i da li je otvorena pravilna rupa. Prema fabričkom atestu bubanj mora biti pravilno namješten. Greške prilikom pokretanja sata takmičar može otkloniti u navedenim pokretanjima uz konstataciju KTK o tim radnjama.

Nepravilnosti koje se utvrde tek prilikom otvaranja sata ili istekla vremena predviđenog za naknadna pokretanja povlače DISKVALIFIKACIJU sata. Posljedice snosi sam takmičar.

Član 51.

Ako takmičarski sat ne krene na dati znak ili se utvrdi nepravilno postavljene kazaljke ili otvorene pogrešne rupe ,takav sat se može pokrenuti još tri puta i to: $x + 5 \text{ min.}$, u $x + 10 \text{ min.}$ ili u $x + 15 \text{ min.}$ Poslije ovih pokušaja ako se utvrde neke nepravilnosti sat se DISKVALIFIKUJE za tu stazu.

Takmičar koji zakasni na pokretanje sata, ne može sat pokrenuti prema prethodnom stavu ovog Pravilnika.

Član 52.

Ako se utvrdi neka nepravilnost prema tački jedan člana 58.,KTK otvara sat, nepravilnost konstatuje na traku, traku i taj otkucaj ne cijepa nego ostavlja kao dokaz predhodne radnje, namješta sat na novo vrijeme +5,+10,+15, prema mogućnosti i ponovo vrši pokretanje sata.

Ako ovi pokušaji ne uspiju postupa se u skladu sa odredbama člana 57.ovog Pravilnika.

Član 53.

Prilikom takmičenja ako papirna traka se pocijepa, taj sat se ne može uzeti u obzir i rezultati tog sata ne važe i ne priznaju se.

Golubove prispjele poslije kidanja trake, takmičar može da nosi u drugi sat.

Član 54.

Takmičarsko gumeno prstenje se mora stavljati u čahuru kod takmičarskih satova koji ih po svome proizvodnom programu imaju. Čahura se u sat stavlja sa zatvorenim dijelom na gore.

Čahura sa otvorom na gore se DISKVALIFIKUJE.

Metalno kontrolno prstenje može se u sat stavljati bez čahura direktno.

Član 55.

Jedan takmičar samo u jednom satu može konstatovati prispjeće svojih golubova, a kada ga napuni može koristiti i drugi sat koji je također pokrenut i za koji sve važi kao i za prvi sat.

Ako se dogodi da sat stane ili se traka pocijepa-pokida tada taj takmičar nosi prstenje novoprispjelih golubova u drugi sat.

Takmičar može da koristi više satova za konstataciju prispjeća golubova, u slučaju kad ima velik broj golubova na sljedeći način: ukoliko je zbog velikog broja konstatacija prispjeća golubova takmičarski sat već pun, takmičar može početi konstataciju prispjeća golubova u sljedeći sat.

Kod vršenja korekcije tačnosti sata ista se vrši za svaki sat posebno, a u slučaju grešaka na satu, DISKVALIFIKUJE se onaj sat na kome je uočena greška.

Član 56.

Ako traka pukne u satu, takmičar nema prava da sam otvara sat, nego prispjele(ako je neki golub registrovan u satu prije pucanja trake) ili novoprispjele golubove odnosno njihovo takmičarsko prstenje nosi u susjedni sat, a svoj sat sa pokidanom trakom ispravno plombiran mora odnijeti na kontrolno štopovanje radi provjere ispravnosti plombe.

Ako takmičar sam otvori sat i iz njega izvadi kontrolno prstenje, otplombira sat, smatra se da je nešto uradio nedozvoljeno sa satom i taj let-stanica se poništava tj DISKVALIFIKUJE.

Sat koji je stao, nema pravo da otvara niko drugi, nego ga otvara KTK na redovnom kontrolnom štopovanju.

Kod višednevnog takmičenja ako sat stane nakon dva ili više dana sat se otvara na redovnom kontrolnom štopovanju navija i ponovo pokreće od strane KTK.

Dotadašnja štopovanja-konstatacije do ispravnog kontrolnog otkucaja se priznaju. Takmičar ima pravo da prstenje unijeto u sat toga dana prilikom otvaranja sata od strane KTK povadi i ponovo stavi u pokrenuti sat. Takmičar sam ne smije otvarati sat jer će biti DISKVALIFIKOVAN, za tu cijelu stazu-relaciju.

Član 57.

Takmičar mora stavljati dovoljno trake u sat kako bi pored štopovanja-konstatacija prispjeća golubova na traci bio pravilno otkucan i završni otkucaj.

Svaki manjak trake je isključiva krivica takmičara i pošto ne može da se otkuca završni otkucaj sat se za tu stazu DISKVALIFIKUJE.

Takmičar u tom slučaju nema pravo da nosi takmičarsko prstenje u drugi sat. Sat sa isteklom trakom takmičar je dužan sa neoštećenom plombom da donese na zakazano kontrolno štopovanje-otvaranje, kao dokaz da nije pokušao mahinaciju prilikom štopovanja.

Član 58.

Takmičar poslije završnog štopovanja dužan je kontrolni otkucaj, papirnu traku u satu naviti toliko da poslije otvaranja kontrolna rupa bude iza posljednjeg štopovanja i tako ga preda KTK na kontrolu i otvaranje.

Nijedan član komisije ne smije svoj sat da otvara niti da učestvuje na otvaranju istog. KTK kontrolniše izvađenu traku da li je ispravna: Da li je završno bušenje na pravilnom mjestu po fabričkom prospektu.

Između početnog i završnog bušenja ne smije biti drugih bušenja, jer je to znak nedozvoljene radnje, a one povlače DISKVALIFIKACIJU sata za tu stazu.

Član 59.

KTK mora zapisnikom obavjestiti STK o bilo kakvoj diskvalifikaciji svojih takmičara uz pismeno obrazloženje.

Član 60.

Na kontrolnoj traci prije pokretanja sata treba upisati ime vlasnika sata, datum korištenja trake, naziv mjesta puštanja (planiranog), potpis i pečat ili dva potpisa članova KTK.

Na kontrolnoj traci poslije viđenja iz sata upisuje se tačno vrijeme prispjeća golubova (ako sat koristi više takmičara) i broj matičnog prstena golubova. Na kraju trake obavezno upisati-konstatovati žurenje ili kašnjenje sata.

Kontrolnu traku poslije pregleda tj. na kraju trake potpisuju najmanje dva člana koji su čitali i kontrolisanu traku.

Član 61.

Svako pisanje na traci mora se vršiti hemijskom olovkom.

Svaka ispravka treba da bude tačno označena i da je potpiše onaj koji je isu izvršio.

Član 62.

ELEKTRONSKI SISTEM

U cilju modernizacije pismošaškog sporta i njegovog pojednostavljenja u smislu administracije poslova, ovaj TP odobrava upotrebu elektronskih sistema za konstataciju prispjeća golubova pismoša.

Svaki pojedinac ili klub slobodno po svom



izboru može kupiti bilo koju marku elektronskog sistema koji se koristi u Zemljama Zapadne Evrope i koje naravno u tim zemljama imaju urađen Atest.

STK nije htjela nametati odgajivačima i klubovima za koji tip elektronskog sistema da se odluče, bitno je da svaki klub ili pojedinac unutar kluba mora imati sve djelove tog sistema kako bi se sa tim moglo raditi (antena-čitač, printer, centrala za pakovanje i dr.). Obzirom da elektronske sisteme ne proizvodi naša zemlja dozvoljena je upotreba softwera na jezicima bosanskih naroda, koji ima tu mogućnost, kao i na svim drugim jezicima evropskih zemalja s obzirom da se jasno mogu prevesti sve stavke koje su programirane softverom.

Elektronski sistem za štopovanje mogu se koristiti u klubovima čiji članovi sami snose troškove nabavke uređaja, elektronskih čipova, programa (Hardware i Software), prateće opreme tehničke dokumentacije za primjenu, upotrebu i kontrolu.

Klubovi odnosno članovi kluba, prethodno prijavljuju STK korištenje elektronskog sistema i iste mogu koristiti klupskim, zonskim, nacionalnim i internacionalnim takmičenjima. Ni jedan klub niti članovi kluba ne mogu biti prisiljeni da koriste elektronski sistem za konstataciju. Odgajivači koji koriste elektronski sistem ravnopravni su sa takmičarima koji ga ne koriste.

Prilikom korištenja elektronskog sistema umjesto propisa iz članova ovog pravilnika koji govore o klasičnim satovima važe sljedeća pravila:

- KTK mora registrovati matični elektronski uređaju svakog takmičara, broj dolaznih antena, kao i antenu čitača koja se koristi na pakovanju golubova, koja je zajednička za sve takmičare (centralna), pod uslovom da svi koriste uređaj istog proizvođača.
- Dolazne antene moraju biti neposredno pričvršćene na ulaz golubarnika. Ulazom se smatraju otvori-mjesta kroz koji golubovi ulaze u golubarnik po povratku sa takmičarskog leta.
- Prije pakovanja članovi KTK moraju izvršiti provjeru elektronskih čipova u smislu dobre pričvršćenosti za nogu goluba. Elektronski čip stavlja odgajivač uz prisustvo KTK i sve to evidentira putem "atene-čitača" na pakovanju. Antena čitač je povezana sa matičnim elektronskim uređajem takmičara. Član komisije za pakovanje kontrolise broj golubova na saveznom prstenu koji se pojavio na displeju matičnog uređaja, nakon što je golub sa elektronskim prstenom povučen preko antene-čitača. Prilikom pakovanja vlasnici golubova ne mogu učestvovati u proceduri već moraju biti udaljeni najmanje 1 metar od mjesta na kojem se obavlja pakovanje golubova, odnosno gdje se nalazi uređaj.
- Zapisnik se štampa poslije obavljenog postupka pakovanja i isti pored svih članova komisije za pakovanje potpisuje i odgajivač-takmičar. Svi podaci sa pakovanja se čuvaju uz ostalu takmičarsku dokumentaciju. Ručno ispravljene podatka odštampanih

štampačem nije dozvoljeno. Elektronski čipovi se mogu koristiti za goluba takmičara dok mu se nalaze na nozi. U slučaju da vlasnik tog goluba želi da likvidira ili iz bilo kog razloga da ga povuče iz takmičenja, elektronski čip se može da koristi za drugog goluba, ali ta promjena mora biti zvanično urađena uz prisustvo KTK.

Golub koji je jedanput povučen iz takmičenja i kome je skinut čip te postavljen na drugog goluba, više se ne može vraćati u takmičenje. Dodjela ili stavljanje elektronskih čipova mora da se obavi za sve golubove jednog takmičara PRIJE PRVE STAZE, a spisak dostaviti STK. Naknadna "dodjela" dozvoljena je isključivo uz prisustvo KTK na pakovanju tako što se neispravan čip na nozi goluba koga antena-čitalac ne registruje, biti skinut i zamjenjen drugim čipom. Nov čip se mora odmah staviti na nogu goluba i nakon toga izvršiti nova "dodjela-naknadna" koju će program verifikovati štampanjem nove liste dodjele-naknade za sve prijavljene golubove. Takva nova lista se mora dostaviti STK potpisana i ovjerena od strane KTK, za tu stazu.

Skinuti neispravan čip koji se mijenja mora se predati KTK na čuvanje, radi dokaza neophodnosti izvršenja radnje naknadne dodjele čipa, o čemu sačiniti odgovarajući zapisnik i oboje predati STK.

- U slučaju da podaci sa matičnog uređaja ne mogu oštampati (tokom pakovanja ili poslije leta) iz bilo kog razloga, onda se pravi zapisnik od strane KTK, tako što se podaci sa displeja unesu (prepišu) u njega. Zapisnik potpisuje najmanje dva člana KTK, a isti se koristi za izradu ocjenjivačke liste plasiranih golubova.
- Vlasnik matičnog uređaja ne može učestvovati u radu komisije prilikom skidanja (vađenja) podataka za takmičarski let. Dozvoljeno mu je samo praćenje rada komisija.
- U slučaju da se podaci o dolasku goluba izbrišu ili postanu neupotrebljivi, golub se DISKVALIFIKUJE. Isto važi i za golubove za koje se zaključuje da se broj elektronskog čipa ne slaže sa brojem evidentiranim na pakovanju a pokazanim na displeju matičnog uređaja.
- Podaci iz elektronskog sistema za konstataciju moraju se odštampati. Odštampani zapisnik isto je što i traka iz klasičnog sata za štopovanje. Odštampane zapisnike se potpisuje od strane članova KTK pa je tako izvršena i verifikacija za takmičara.

Član 63.

Radi usklađivanja rada elektronskih uređaja i manuelnih (klasičnih satova) **OBAVEZNO** je pokretanje i zaustavljanje-otvaranje satova uskladiti sa elektronskim uređajima koji se koriste satelitskim mjerenjem vremena.

III OBRAČUNAVANJE I SLANJE TAKMIČARSKIH REZULTATA

Član 64.

Rok slanja takmičarske dokumentacije kluba prema STK je 72 sati od sata završnog štopa sata, a obračunskih listi za trku 10 dana nakon održanog leta. U dokumentaciju koju su klubovi dužni poslati u tom roku ubraja se sledeće: trake iz satova i liste iz elektronskih sistema, takmičarske obrasce sa upisanim i ovjerenim vremenima prispjeća golubova od strane TK, popis satova sa brojevima početnih i krajnjih rupa. Obrasci o puštanju golubova sa ovjerama svih klubova koji su učestvovali na letu. Račun iz blagajne najbliže trgovine najkasnije pola sata nakon puštanja golubova. Obračunsku listu sa brzinama i bodovima klubovi(zone) su dužni poslati STK u elektronskom (putem maila) i pisanom formatu najkasnije 10 dana od završnog štopa za tu trku.

Član 65.

Klubovi (Zone) svoju dokumentaciju o završnim godišnjim rezultatima dostavljaju STK najkasnije do 31.10. tekuće godine isto u elektronskom formatu putem maila i pisanom formatu putem pošte.

Svi dokumenti koji se šalju moraju biti uredno ovjereni.

Svako neuredno, nekompletno, neovjereni ili zakašnjelo slanje rezultata o pojedinim trkama povlači diskvalifikaciju te trke, a neuredno, nekompletno, neovjereni i zakašnjelo slanje završnih godišnjih rezultata povlači DISKVALIKACIJU toga kluba(zone) za tu godinu.

Sve gore rečeno odnosi se i na stare i na mlade golubove.

KTK je zadužena za prijave rezultata svojih takmičara STK. STK vrši provjeru pristiglih rezultata i pravi konačan savzni poredak.

IV NAGRADE

Član 66.

UKUGP BiH nagrađuje takmičare na zajedničkim letovima prema Odluci o nagrađivanju koju donosi Upravni odbor za svaku sezonu posebno.

Ukoliko Upravni odbor ne donese Odluku o nagrađivanju nagrađivanje će se uraditi prema sledećem:

Seniori:

- Državni prvak prema članu 18. ovog pravilnika 3 pehara + diplome
- kratke staze ekipno i pojedinačno 6 (šest) pehara + diplome
- srednje staze ekipno i pojedinačno 6 (šest) pehara + diplome
- duge staze ekipno i pojedinačno 6 (šest) pehara + diplome
- all round ekipno i pojedinačno 6 (šest) pehara + diplome
- Kup let pojedinačno 3 (tri) pehara + diplome
- Nacional let pojedinačno 3 (tri) pehara + diplome
- Za klubove se u svim kategorijama rade samo diplome.

Juniori:

- pojedinačno juniori 3 (tri) pehara + diplome
- ekipno juniori 3 (tri) pehara + diplome
- Kup let juniori pojedinačno 3 (tri) pehara + diplome

**Član 67.**

Proglašenje zvaničnih rezultata vrši se na sjednicama ili svečanostima poslije završenog takmičenja. Datum proglašenja se javno objavljuje. Rezultate takmičenja UKUGP BiH takođe objavljuje u svojim glasilima koje izdaje najmanje jedanput godišnje i na postojećoj web stranici čija je adresa dostupna svim članovima Udruženja i široj javnosti.

V KAZNENE ODREDBE

Član 68.

U slučaju nepridržavanja TP Udruženja BiH, KTK je dužna ispitati slučaj i primijeniti sankcije prema počiniocu, predviđene TP Udruženja. Protiv prekršitelja mora se pokrenuti i disciplinski postupak. Obavezno je zapisnikom u roku od 15 dana izvijestiti UKUGP BiH.

Ponašanje takmičara na mjestu pakovanja golubova (zonskom ili klupskom) mora biti korektno i pristojno. Takmičarima koji narušavaju red i protokol na pakovanju, te izazivaju incidente i svađe Savezna TK na prijedlog Zonske TK može izreći mjeru isključenja iz takmičenja za tekuću sezonu. U slučaju da neki Takmičar izazove incident koji zahtjeva intervenciju policije tom takmičaru Upravni odbor Saveza može izreći mjeru isključenja iz Saveza i zabrane takmičenja pod bilo čijim imenom na period od 5 ili 10 godina.

Član 69.

Takmičari koji se na bilo koji način ogriješe o pravila Saveza i TP i koji svojim postupcima zarade kazne ili zabrane ne mogu takmičiti pod imenom druge osobe niti se pojavljivati na mjestu pakovanja i sastancima zone i Saveza. Za klubove koji ignorišu ponašanje ovakvih svojih članova, na prijedlog Zonskih organa (predsjednika, TK, ZK i dr) može se od UO Saveza tražiti isključenje iz Saveza i zabrana takmičenja.

Član 70.

DISKVALIFIKACIJU leta cijelog kluba automatski povlači neizvršenje dolje navedenih zadataka:

- zakašnjenje u dostavi podataka STK;
- slanje nepotpisanih, neovjerenih i netačnih podataka;
- svako stavljanje u popis liste br. 2 golubova kojih nema u transportnom kavezu, da bi se na taj način popunio broj od 100 golubova;
- svako namjerno kršenje popisa ovih pravila koja na licu mjesta utvrdi Predsjednik STK ili bilo koji ovlašteni kontrolor.

Član 71.

Isključenje iz sudjelovanja u takmičarskoj sezoni automatski povlači za prekršaje:

- takmičara ako pokuša da na bilo koji način izigra KTK;
- cijeli klub ako njegova KTK pokuša izvršiti bilo kakvu radnju s namjerom da izigra propise ovog TP, sa svrhom da za svoj klub postigne nezasluzene rezultate ili ako mu se ponovi kazna diskvalifikacije takmičarskog leta u istoj godini.

Član 72.

Klub ili član kluba, pojedinac koji zloupotrijebi položaj u svoju korist ili korist svog kluba, stavlja

se pod disciplinski postupak organa čiji je član i automatski je suspendovan.

Član 73.

Najblaža kazna je zabrana učešća na jednoj stazi (jednom takmičarskom letu), slijede kazne na više staza pa kazna isključenja i jednogodišnjeg takmičenja, zatim slijedi kazna isključenja na dvije godine i krajnja kazna doživotno isključenje.

Član 74.

Nadležna TK ili disciplinska komisija je dužna da obavijesti viši rang-komisiju pismeno u roku od 15 dana, jedan primjerak se dostavlja i Upravnom odboru Udruženja.

Član 75.

Odgajivač-takmičar (ni njegov klub) koji je kažnjen zabranom učešća na takmičenju ne može učestvovati na letovima ni u jednom klubu odgajivača golubova pismoša (članice Udruženja) sve dok kazna traje.

Član 76.

Rezultati diskvalifikovanih takmičara se brišu u godini kažnjavanja. Broj golubova koji je klub poslao na tu stazu ostaje isti s tim što diskvalifikovane golubove popunjavaju slijedeći golubovi po prosječnoj brzini plasiranih poslije 33%.

U toku jedne takmičarske godine sve ispravke od strane kluba moraju biti urađene i dostavljene u pismenog formi STK, najkasnije do 15.10 tekuće godine.

VI ŽALBE I PRIJAVE

Član 77.

Svaki takmičar, svaki klub, svaki član organa Udruženja BiH ima pravo i dužnost mu je upozoriti KTK i STK na greške koje su se nehotice počinile prilikom izračunavanja ili prepisivanja takmičarskih rezultata.

Uočene greške moraju se ispraviti a o učinjenom izvijestiti sve takmičare kluba gdje je greška uočena i STK u roku od 14 dana do najkasnije 15.10. tekuće godine.

Član 78.

Svaki takmičar ili klub, ima pravo pismene žalbe na nepravilan rad KTK i STK nadležnom Upravnom odboru odnosno Nadzornom odborom.

Upravni odbor odnosno Nadzorni odbor na svojoj prvoj sjednici mora raspravljati o primljenoj žalbi i donosi odluku o kojoj pismeno izvještava podnosiocima žalbe. Protiv ovog rješenja, nadležni organa, žalba se može uputiti Skupštini Udruženja kao najvišeg organa.

VII ZAVRŠNE ODREDBE

Član 79.

Klubovi na osnovu svojih statuta donose takmičarska pravila svoga kluba, ali ista ne smiju biti u suprotnosti sa propisima ovih takmičarskih pravila.

Takmičarska pravila kluba mogu biti strožija od ovog TP, ali nikako blaža.

Član 80.

Tumačenja takmičarskih pravila daju:

- u I stepenu KTK;
- u II stepenu ZTK;
- u III stepenu STK.

U slučaju sporova nadležna je Skupština

Udruženja BiH.

Član 81.

Pridržavanje ovih pravila je preduslov za učešće na domaćim i međunarodnim izložbama, a isto tako za pojedinačna i Savezna prvenstva.

Član 82.

Ovaj takmičarski Pravilnik je jedinstven za cijelu teritoriju Bosne i Hercegovine.

Član 83.

Ova takmičarska pravila prihvaćena su na Skupštini Udruženja klubova uzgajivača golubova pismoša u BiH 24.02.2008. godine, u Travniku, i primjenjivat će se od dana donošenja.

Član 84.

Stupanjem na snagu ovog Takmičarskog Pravilnika svi dosadašnji Pravilnici postali su nevažeći za takmičenje golubova pismoša u BiH.



31. Brieftauben-Olympiade
Dortmund Deutschland
15.-18. Januar 2009



31. Brieftauben-Olympiade
Dortmund Deutschland
15.-18. Januar 2009



31. Brieftauben-Olympiade
Dortmund Deutschland
15.-18. Januar 2009



Planovi leta za sezonu 2008

Do momenta izrade Biltena Saveznoj takmičarskoj komisiji su stigli planovi leta za 2008. od 5 zona. Planove leta nisu dostavile Sarajevska i Vrbaska zona. Nije na odmet podsjetiti se člana 3. Takmičarskog pravilnika koji kaže:

Član 3.

Godišnji plan takmičenja mora sadržavati sve planirane staze za terminima održavanja kao i prijavu rezervnih termina koji se koriste ukoliko neki od planiranih letova ne budu održani iz objektivnih razloga ili više sile. Plan mora sadržavati sljedeće:

Tačne koordinate mjesta puštanja i to x-y koordinate i geografsku širinu i dužinu mjesta puštanja.

Datum puštanja, mjesto puštanja, planirano vrijeme puštanja,

Naziv kategorije staze (kratka, srednja, duga, maraton)

Datum, vrijeme i mjesto pakovanja te mjesto štopovanja satova

Vrijeme početnog štopovanja, vrijeme završnog-kontrolnog štopovanja te vremena eventualnih kontrolnih štopovanja kod višednevnih takmičenja

Pravilnik smo donijeli da bi ga poštovali i postupali u skladu sa njim, kao što vidite ni jedna zona nije u potpunosti poslala plan leta.

Travnička zona:

Datum	Mjesto
25.05	Bosanski Šamac
01.06	Orašje
08.06	Ruma
15.06	Stara Pazova
22.06	Stara Pazova
29.06	Pančevo
05.07	Kladovo
12.07	Kladovo

Banjalučka zona

Datum	Mjesto	Vrsta
04.05	Brčko	kratka
11.05	Dvorovi	kratka
18.05	Zemun	kratka
25.05	Zemun	kratka
01.06	Velika Plana	srednja
08.06	Paraćin	srednja
15.06	Pukovac	srednja
22.06	Leskovac	srednja
29.06	Demir Kapija	duga
13.07	Rapsani	duga

Lašvanska zona

Datum	Mjesto	Vrsta
18.05	Bosanski Šamac	kratka
25.05	Bosanski Šamac	kratka
01.06	Zemun	kratka
08.06	Zemun	kratka
15.06	Vršac	srednja
22.06	Vršac	srednja
29.06	Kladovo	srednja
06.07	Kladovo	srednja

Neretvanska zona

Datum	Mjesto	Vrsta
11.05	CRNI LUG	kratka
18.05	B.ETROVAC	kratka
25.05	VELIKA KLADUŠA	kratka
01.06	VELIKA KLADUŠA	kratka
08.06	REZERVA	srednja
15.06	REZERVA	srednja
22.06	REZERVA	srednja
29.06	REZERVA	srednja

Tuzlansko-Bijeljinska zona

Datum	Mjesto	Vrsta
11.05	Čačak	kratka
18.05	Kraljevo	kratka
25.05	Kruševac	kratka
01.06	Leskovac	kratka
08.06	Kruševac	srednja
15.06	Bosilegrad	srednja
22.06	Leskovac	srednja
29.06	Rapsani	duga
06.07	Leskovac	srednja
13.07	Rapsani	duga

Nadamo se da će prela sci granica proteći bez problema i da ćemo prvi puta nakon dužeg vremena imati i duge staze. Upravni odbor želi svim takmičarima mnogo uspjeha u takmičenju.

Dobar let!



Bosnian Racing Pigeon Magazin



Jos & Jules Engels
Mechelbaan 601
B 2580 Putte
Tel./Fax: 0032 15 757706
(Jos)
Tel./Fax: 0032 15 754406
(Jules)

**Dirk und Louis
van Dyck**
Driehoekstraat 74
B 2240 Zandhoven
Tel.: 0032 3 4845816

**Gaby
Vandenabeele**
Wontergemstraat 72
B 8720 Dentergem
Tel. und Fax:
0032 51 634 150
E-Mail:
gabypigeons@pandora.be

**Gommaire
Verbruggen**
Holleblokstraat 33
B 3270 Scherpenheuvel
Tel.: 0032 13 771813
Fax: 0032 13 771079
E-Mail: gommaire.-
verbruggen@pandora.be

